



Pou Piblikasyon Imedya: 9/09/2023

GOUVÈNÈ KATHY HOCHUL

## GOUVÈNÈ HOCHUL SIYEN LEJISLASYON POU DEKLARE NOUVÈL ANE LALIN NAN YON JOU KONJE NAN LEKÒL

*Lejislasyon (A.7768/S.7573) la egzije tout lekòl publik yo fèmen pou nouvèl ane lalin azyatik la*

*Foto siyati pwojè Iwa a disponib [isit la](#)*

Gouvènè Kathy Hochul te siyen jodi a, lejislasyon pou deklare Nouvèl Ane Lalin Azyatik la yon konje nan lekòl publik atravè Eta New York. Lejislasyon (A.7768/S.7573) ta asire ke lekòl publik yo an faz avèk Nouvèl Ane Lalin nan, ki souliyen angajman Gouvènè Hochul pou sipòte epi pwoteje kominate AAPI New York la.

“Lè nou deziyen Nouvèl Lin New Year la antanke yon konje ofisyèl, n ap franchi yon etap enpòtan pou rekonèt enpòtans kominate AAPI New York la ak richès divèsite ki fè New York tèlman jenyal,” **Gouvènè Hochul te deklare.** “Se pa sèlman yon lòt jounen san lekòl – se yon opòtinite pou timoun nou yo aprann epi selebre pwòp diferans kilti ak tradisyon yo.”

**Prezidan Asanble a Carl Heastie te deklare,** "Lè nou fè Nouvèl Ane Lalin nan yon konje pou lekòl publik New York yo se yon rezulta dirèk de travay di Majorite Asanble a ak manm ki devwe nan Gwoup Travay sou Azi Pasifik nou an. Eta New York divèsite nan fason mayifik, avèk moun ki soti nan gwoup etnik, reliye ak kiltirèl ki diferan, k ap viv, travay epi elve timoun ansanm. Konje Nouvèl Ane Lalin nan ap bay plizyè milye élèv Azyatik nan eta nou an kapasite pou reyini ansanm epi selebre ak fanmi ak zanmi yo san yo pa bezwen sakrifye edikasyon yo. Mwen espere sa ap fè limyè tou sou kilti ak tradisyon zanmi ak vwazen Azyatik nou yo, epi nan yon moman kote nou te obsèvre lahèn ak vyalans kont kominate Azyatik yo, sa ap louvri zye moun, ankouraje tolerans ak akseptasyon. Mwen remèsyé Gouvènè Hochul pou lidèchip li epi dèske li siyen lejislasyon enpòtan sa."

Lejislasyon (A.7768/S.7573) amande Iwa sou edikasyon an pou deklare Nouvèl Ane Lalin Azyatik la yon konje nan lekòl publik nan tout eta a. Lejislasyon an egzike tout lekòl publik yo fèmen pou konje Nouvèl Ane Lalin nan.

**Senatè Eta a Brian Kavanagh te deklare**, "Istwa New York pa t ka ekri san anpil ak divès kontribisyon Nouyòkè Azyatik yo. Jiska prezan nan anpil lekòl nan ttout eta a, fanmi Azyatik ak elèv yo dwe chwazi ant ale lekòl ak selebre fèt ki pi enpòtan nan kominote yo. Epi yo refize anpil Nouyòkè opòtinite pou selebre eritaj divèsifye eta nou an. Alò, mwen fyè anpil ke apati de jodi a, nou rekonèt ofisyèlman Nouvèl Ane Lalin nan kòm yon jou konje. Mwen remèsyé anpil moun, fanmi ak òganizasyon Azyatik ki te defann pwojè lwa sa, delegasyon kòlèg travay Azyatik solid k ap grandi nan lejislati Eta a pou lidèchip, oryantasyon, ak sipò yo — espesyalman Manm Asanble Grace Lee ak Senatè John Liu ak Iwen Chu — ki pwopoze pwojè lwa a nan Asanble a, Bill Colton, pou gwo travay li pou adopte pwojè lwa a nan Asanble a, ak Gouvènè Kathy Hochul dèské li ratifye li an lwa jodi a."

**Manm Asanble William Colton te deklare**, "Azyatik Ameriken yo te jwe yon wòl vital pou fasone eta ak peyi nou an pandan y ap kontinye goumen san rete pou simonte anpil obstak diskriminasyon ak difikilte. Lè nou fè Nouvèl Ane Lalin Azyatik la yon jou konje nan eta a, sa ap benefisyé pa sèlman Azyatik Ameriken yo, men I ap fè pwomosyon yon mesaj lespwa pou tout gwoup yo reyalize Rèv Ameriken yo. Lejislasyon istorik sa pa ta ka rive posib san lidèchip Gouvènè a, Lidè lejislatif la ak sipò Manm Asanble Grace Lee, ki se asosye ki pwopoze pwojè lwa a ak anpil nan kòlèg travay mwen yo."

**Manm Asanble Grace Lee, Prezidan Asosye Gwoup Travay sou Azi Pasifik la (Asian Pacific American, APA) te deklare**, "Se yon onè pou mwen dirije efò istorik sa pou rekonèt Nouvèl Ane Lalin nan antanke yon jou konje nan tout eta New York. Antanke Azyatik Ameriken, nou te pase inapèsi epi yo pa t tande nou nan New York pandan twò lontan, epi pwojè lwa sa se rekonesans pou kontribisyon nou nan listwa New York, ak validasyon ke vwa nou ak istwa nou konte. Kounye a, m ap kapab rejwenn plizyè milye fanmi nan eta a pou selebre Nouvèl Ane Lalin nan lakay mwen ak pitit mwen. Lwa sa ekspoze nouvèl jenerasyon yo ak kilti Azyatik la, epi I ap fè pwomosyon divèsite ak enklizyon nan yon moman kote Nouyòkè Azyatik yo ap soufri de lahèn anti Azyatik la. Lè nou fè New York premye eta nan peyi a pou òdone fèmti lekòl nan tout eta a pou obsève Nouvèl Ane Lalin nan, n ap trase yon egzanp presye pou lòt eta yo swiv. Mwen remèsyé Gouvènè Kathy Hochul, Manm asanble Carl Heastie, Lidè majorité Andrea Stewart-Cousins, ak tout kòlèg travay mwen yo ki te sipòte efò sa pou sekirize reyalizasyon istorik pou kominote AAPI New York la."

Gouvènè Hochul te rete angaje pou sipòte, pwoteje, epi selebre kominote AAPI New York la. Nan bidjè ane fiskal 2024 la, Gouvènè Hochul te alwe 30 milyon dola prim pou òganizasyon kominotè nan Federasyon Azyatik Ameriken an ak Kowalisyon pou Timoun ak Fanmi Azyatik Ameriken yo – ki se pi gwo envestisman pou sipòte kominote AAPI yo nan tout eta a. Finansman sa ale nan yon seri òganizasyon kominotè ki pi divèsifye toujou k ap bay sèvis ki adapte sou plan kiltirèl ak sou plan lengwistik, epi tou ki abòde vyolans sistemik, rasis, ak diskriminasyon ke kominote AAPI a fè fas ak li.

**Senatè Eta John Liu te deklare**, "Nouvèl Ane Lalin nan se moman ki pi enpòtan nan ane a pou Azyatik Ameriken yo, epi antanke kominote k ap grandi pi rapidman nan peyi

a, nou bezwen asire nou ke eritaj nou, kilti ak tradisyon nou trete ak menm respè ak reverans ke nenpòt lòt fèt Ameriken. Deklare Nouvèl Ane Lalin nan yon jou konje Eta a se yon etap enpòtan pou rekonèt epi valide Azyatik Ameriken yo pa sèlman isit la nan Eta New York, men nan tout peyi a. Anpil remèsiman pou Gouvènè Hochul, dèské li fè ratifikasyon lejislasyon sa yon priorite."

**Senatè Eta Iwen Chu te deklare**, "Jodi a, Eta New York ap fè Nouvèl Ane Lalin nan yon jou konje publik, yon efò k ap fèt depi lontan pou enklizyon Nouyòkè Azyatik yo. Kounye a fanmi yo pa oblige chwazi ant edikasyon yo ak selebrasyon eritaj kiltirèl yo. Aksyon sa rekonèt kontribisyon kominate AAPI a nan tapi divèsifye gran eta nou an epi pote plis konesans, pou konbat lahèn ke Nouyòkè AAPI yo fè fas. Mwen fyè dèské mwen te bay lejislasyon sa sipò ki solid mwen epi mwen remèsye Gouvènè Hochul, Lidè Majorité Sena a Andrea Stewart-Cousins, ak Prezidan Asamble a Carl Heastie dèské yo te fè sa yon priorite nan sesyon lejislatif sa."

**Manm Asamble Edward Braunstein te deklare**, "Lè nou tabli Nouvèl Ane Lalin nan antanke yon konje publik nan tout eta a nan New York, sa se yon reyalizasyon istorik, epi mwen fyè pou sipòt efò sa nan Asamble a. Yon konje nan tout lekòl eta a ap pèmèt sila ki obsève fèt sa selebre ak fanmi yo, epi bay tout Nouyòkè opòtinite pou aprann de kilti ak enpòtans istorik Nouvèl Ane Lalin nan. Mwen selebre moman istorik sa epi mwen remèsye Gouvènè Hochul dèské li ratifye pwojè sa an lwa."

**Manm Asamble Ron Kim te deklare**, "Sa te mande plizyè jenerasyon lejislatè pou finalman fè Nouvèl Ane Lalin nan yon fèt ke yo rekonèt nan tout eta a epi mwen vle remèsye Gouvènè Hochul dèské li rekonèt Azyatik Ameriken yo nan yon fason ki enpòtan. Soti nan ansyen manm Jimmy Meng, Ellen Young, ak Grace Meng rive nan nouvo manm tankou prezidan asosye Gwoup Travay APA a Grace Lee ki fè lejislasyon sa yon premye priorite, mwen rekonesan pou tout kontribisyon yo. Finalman, mwen vle remèsye Prezidan Carl Heastie pou lidèchip ak konsèy li pou selebre Azyatik Ameriken yo nan Eta New York."

**Manm Asamble Jenifer Rajkumar te deklare**, "Antanke premye fanm Azi Disid ki te janm eli nan Fonksyon Eta New York, mwen remèsye Gouvènè Kathy Hochul dèské li ratifye pwojè lwa istorik sa ki rekonèt richès divèsite Eta nou an ak kominate AAPI li a. Plis pase 1 milyon Nouyòkè atravè Eta a selebre Nouvèl Ane Linè a, epi jodi a nou di yo tout nou wè nou epi nou rekonèt nou. Mwen te fyè pou ede dirije pwojè lwa istorik sa pou yo adopte li. Jodi a, n ap fè sistèm edikasyon nou an travay pou tout kominate divèsifye nan Eta nou an. Nan yon epòk kote lahèmn kont kominate AAPI a ap ogmante nan tout peyi a, New York se yon flanbo respè, tolerans, ak lanmou pou moun tout fwa ak antedesan."

**Manm Asamble Jessica Gonzalez-Rojas te deklare**, "Nouvèl Ane Lalin nan se yon fèt ki enpòtan pou anpil kilti ke vwazen nou yo pratike epi reprezante atravè Vil New York ak Eta a. Avèk ratifikasyon pwojè lwa sa an lwa, nou ka kontinye valide ke Nouyòkè yo ta dwe selebre tout kilti ki enkli timoun lekòl nou yo. Mèsi a pwomotè ak defansè

prensipal yo ki reyalize sa."

**Manm Asanble, Marcela Mitaynes, te deklare**, "Rasin kiltirèl ki vivan se sa ki fè Brooklyn se fwaye pou tèlman anpill kominote. Si nou chwazi pa onore kilti sa yo nan gouvènman eta nou an, nou riske pèdi dinamis ki gen anpil valè sa. Lakay mwen nan Sunset Park se fanmi imigran ki fè l, ki te goumen pou yon meyè avni, tankou pwòp fanmi mwen ak anpil moun ki abite epi travay nan Chinatown. Se yon onè pou bay sipò pou elèv sa yo ki selebre Nouvèl Ane Lalin nan epi pou montre konbyen nou bay fèt sa valè. Elèv yo pa ta dwe jam dwe chwazi ant kilti yo oswa edikasyon yo, paske lè ou aprann de kilti, sa bay youn nan pi bon edikasyon ki genyen. Mwen kontan pou wè Nouvèl Ane Lalin nan vin yon konje nan lekòl epi mwen konnen ke anpil fanmi nan distri mwen an ap selebre chanjman sa."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418